



Գլենդեյլի հանրային հրաման թիվ 2020-13

Գլենդեյլ քաղաքի Արտակարգ Իրավիճակների լիազորության ներքո

Հրապարակման ամսաթիվը՝ 30 հուլիսի, 2020 թ.

Դիմումի վճարներից ազատում և զբաղեցման ժամանակավոր վկայականների
տրամադրման թույլտվություն՝ մանրածախ առևտրի հաստատությունների բացօթյա

գործունեությունների համար

Հաշվի առնելով, որ 2020 թ. մարտի 16-ին Գլենդեյլ քաղաքի քաղաքային խորհուրդը, համաձայն Գլենդեյլի Քաղաքային օրենսգրքի 2.84 գլխի, հայտարարեց տեղական արտակարգ դրություն: Դրա անհրաժեշտությունն առաջացել էր Կորոնավիրուս 2019 (COVID-19) հիվանդության նկատմամբ աճող մտահոգությունից՝ նոր տիպի կորոնավիրուսով պայմանավորված ծանր սուր շնչառական հիվանդության պատճառով: Վիրուսի ախտանիշների թվում են՝ ջերմությունը, հազը և դժվար շնչառությունը, իսկ վարակված անձանց շրջանում տարբեր արդյունքներ են գրանցվել թեթև հիվանդությունից մինչև ծանր հիվանդություն և մահ: Հաստատված դեպքերի քանակը կարճ ժամանակահատվածում շարունակել է կտրուկ աճել: Հիվանդությունների Վերահսկման և Կանխարգելման Կենտրոնը (CDC) տեղեկացնում է, որ COVID-19-ը հեշտությամբ տարածվում է մարդուց մարդ, և մշակել է ուղեցույցներ՝ առաջարկելով, որ հասարակությունն ընդունի այնպիսի քաղաքականություն և սահմանված կարգեր, որ հնարավոր լինի պահպանել սոցիալական հեռավորություն: Բացի այդ, 2020 թ. մարտի 16-ին քաղաքային խորհուրդը կարգադրեց նաև փակել և մուտքի սահմանափակումներ կիրառել որոշ հասարակական հաստատությունների վրա:

Հաշվի առնելով, որ Գլենդեյլի քաղաքապետարանը վերստին կրկնապատկել է իր ջանքերը՝ ձեռքերի հիգիենայի, շնչառական կանոնների և սոցիալական հեռավորության պահպանման ուղղությամբ: Չափազանց կարևոր է, որ մենք՝ որպես քաղաք, անենք հնարավոր ամեն ինչ՝ դանդաղեցնելու հիվանդության տարածման տեմպերը համայնքներում և խուսափելու մեր բժշկական համակարգի անհարկի ծանրաբեռնվածությունից: Մեր ջանքերին նպաստելու նպատակով՝ արտակարգ դրության պայմաններում Արտակարգ իրավիճակների ծառայության տնօրենի լիազորության ներքո, Գլենդեյլի Քաղաքային օրենսգրքի 2.84 գլխի համաձայն, այդպիսի արտակարգ իրավիճակների հետևանքով կյանքի և սեփականության պաշտպանության հետ կապված հարցերի շուրջ կանոնակարգեր և կարգադրություններ կազմելու և արձակելու նպատակով կարգադրվում է մի շարք ժամանակավոր սահմանափակումներ կիրառել Գլենդեյլ քաղաքի որոշ հաստատությունների վրա, որտեղ սովորաբար մեծ թվով մարդիկ

են հավաքվում և միմյանց հետ սերտ հարևանությամբ են գտնվում;

Հաշվի առնելով, որ 2020թ. մարտի 4-ին Լոս Անջելեսի վարչաշրջանի վերակացունների խորհուրդը և Հանրային առողջության վարչությունը հայտարարեցին տեղական և հանրային առողջության արտակարգ իրավիճակ՝ ի պատասխան երկրում կորոնավիրուսի տարածման աճին; և Գլենդելի քաղաքային խորհուրդը ընդունեց թիվ 20-29 Որոշումը, որը համապատասխանում է Լոս Անջելեսի վարչաշրջանի «Տանն ավելի ապահով է» հրամաններին («Վարչաշրջանի հրաման»), որը փակեց որոշակի բիզնեսներ, ներառյալ՝ մանրածախ հաստատություններ, մարզասրահներ, անհատական ինամքի հաստատություններ՝ ի թիվս այլ ոչ էական նշանակության ծառայությունների;

Հաշվի առնելով, որ 2020 թվականի մայիսի 15-ին Գլենդելի թիվ 20-29 Որոշման գործողության ժամկետը սպառվեց, և նշված բիզնեսները և գործունեության տեսակները շարունակվեցին կարգավորվել Վարչաշրջանի հրամանով;

Հաշվի առնելով, որ 2020 թ. մայիսի 26-ին կամ մոտ այդ օրերին Լոս Անջելեսի վարչաշրջանի Հանրային առողջության պետը վերանայեց Վարչաշրջանի հրամանը՝ ապահովելու որոշակի բիզնեսների մասնակի վերաբացումը՝ այդ թվում՝ ռեստորանների ներսում ճաշելու ծառայությունների, մանրածախ խանութների՝ ներսում գնումներ կատարելու և անձնական ինամքի այլ հաստատություններ համար՝ պայմանավորված, որ դրանք վերաբացման համար բավարարեն վարչաշրջանի որոշ արարողակարգեր;

Հաշվի առնելով, որ 2020 թվականի մայիսի 29-ին, Լոս Անջելեսի վարչաշրջանի «Տանն ավելի անվտանգ է» հրամանի փոփոխություններին համապատասխան, Գլենդելի թիվ 20-29 Որոշման գործողության ժամկետը սպառվեց, և Գլենդելի որոշ բիզնեսներ սկսեցին վերաբացվել և վերադառնալ աշխատանքի՝ պայմանավորված, որ բավարարեն վարչաշրջանի որոշ արարողակարգեր;

Հաշվի առնելով, որ 2020 թվականի հուլիսի 1-ին Կալիֆորնիայի նահանգապետ Գեվին Նյուսոմը կարգադրեց երկրորդ անգամ փակել ռեստորանները և փակ տարածքում գործող բիզնեսները՝ ավելի քան 19 վարչաշրջաններում՝ այդ թվում Լոս Անջելեսի վարչաշրջանում, որտեղ վերջին ժամանակներս նկատվել էին կորոնավիրուսով վարակման դեպքերի աճ, և Լոս Անջելեսի վարչաշրջանի առողջապահության պետը կարգադրեց նույնը;

Հաշվի առնելով, որ կա վիրուսի՝ համայնքային տարածման դեպքերի էական և աճող քանակի մեծ հավանականություն, երբ այն անհատները, ովքեր կրում են COVID-19 առաջացնող վիրուսը, սակայն չունեն որևէ ախտանշան կամ ունեն միայն մեղմ ախտանշաններ, և այսպիսով տեղյակ չեն, որ վիրուսակիր են և այն փոխանցում են ուրիշներին, և այս պատճառներից ելնելով՝ Լոս Անջելեսի վարչաշրջանի առողջապահության գործակալը շարունակում է արգելել վարչաշրջանում սոցիալական հավաքույթները;

Հաշվի առնելով, որ հանրային առողջապահության հրամանները խոչընդոտել են որոշակի տնտեսական գործունեություններ, և Գլենդելի քաղաքապետարանը քայլեր է ձեռնարկում տեղական տնտեսությանն ուղղակի օժանդակություն առաջարկելու համար՝ ի պատասխան COVID-19-ի ներկայացրած տնտեսական

ազդեցությունների, և դիտարկում է այն ուղիները, որոնց միջոցով Քաղաքապետարանը կարող է աջակցել տեղական բիզնեսներին, այդ թվում՝ որոշակի բիզնեսների համար բացօթյա գործելու առաջարկությունը՝ մինևսյն ժամանակ պահպանելով և հետևելով առողջության և անվտանգության համար պահանջված չափանիշները, որոնք մանրամասն ներկայացված են Լոս Անջելեսի վարչաշրջանի՝ «Աշխատանքի վերադառնալու» մասին արձանագրությունների մեջ;

Հաշվի առնելով, որ որոշ ձեռնարկությունների՝ բացօթյա գործելու հնարավորությունը կնպաստի տնտեսական վերականգնման նպատակներին՝ միաժամանակ պահպանելով հանրային առողջության կարգադրությունները և արձանագրությունները; և

Հաշվի առնելով, որ Արտակարգ իրավիճակների ծառայության տնօրենը գտնում է, որ այն հանուն հանրային շահի է, և հանրային առողջության և անվտանգության շահերից է բխում՝ հրաժարվել դիմումի թույլտվության վճարներից և ընդլայնել վաճառքի և շահագործման վայրը՝ ներառելու բացօթյա տարածքը՝ բոլոր կիրառելի հանրային առողջության հրամաններին և արձանագրություններին համապատասխան:

Հետևաբար՝ այժմ Գլենդելի քաղաքային օրենսգրքի 2.84-րդ գլխի համաձայն ստրված լիազորության հիման վրա՝ Արտակարգ իրավիճակների ծառայության տնօրենը հրապարակում է հետևյալ հրամանը, որն անմիջապես ուժի մեջ է մտնում և գործում է մինչև 2020թ. դեկտեմբերի 31-ը.

Բաժին 1. Համաձայն Գլենդելի քաղաքային օրենսգրքի 5.96-րդ գլխի պահանջների, Գլենդել քաղաքում գործող ցանկացած մանրածախ ձեռնարկություն, որը փոփոխում է բիզնեսի գործողությունները՝ ի պատասխան COVID-19-ի, և պահանջում է ժամանակավոր թույլտվություն՝ այդ փոփոխությունները կատարելու համար, թույլ է տրվում իրականացնել մանրածախ վաճառք՝ մայթեզրին կամ բացօթյա վայրում՝ իրենց մասնավոր սեփականության տարածքում.

Մայթեզրին ճաշելու թույլտվությունը և մայթեզրին ճաշելու թույլտվության հավելվածը պահանջվում են մայթեզրին վաճառք իրականացնելու համար, իսկ զբաղեցման ժամանակավոր վկայագիրը պահանջվում է մասնավոր սեփականության տարածքի բացօթյա վայրում վաճառք իրականացնելու համար;

Թույլտվության հայտի վճարը չեղարկվում է ժամանակավոր օգտագործման համար, որն իրականացվում է զբաղեցման ժամանակավոր վկայականի համաձայն;

Չնայած Խորագիր 30-ին կամ Գլենդելի քաղաքային օրենսգրքի ցանկացած այլ դրույթին, սույն հասարակական կարգի գործողության ընթացքում թույլատրվում է սույն հրամանի մեջ նշված բացօթյա իրականացվող առևտրային գործունեությունները;

Սույն հանրային հրամանի նպատակներից ելնելով՝ իրենց մասնավոր սեփականության բացօթյա տարածքները ներառում են

կայանատեղիները, որտեղ այդ նպատակով կարող է օգտագործվել ոչ ավել, քան 50%-ը: Այն բիզնեսները, որոնք համօգտագործում են կայանատեղիները, և չեն կարող պահպանել նվազագույն 50% պահանջը, իրավունք ունեն օգտվել նվազեցված կայանատեղի պայմանից՝ այդ կայանատեղին համօգտագործող հարևանների միջնորդագրի հաջող ընթացակարգի միջոցով:

Բաժին 2. Սույն հանրային հրամանը չի տարածվում մանրածախ ձեռնարկությունների կամ մայթերին այնպիսի ապրանքների վաճառքի համար, որոնց գնման համար կա տարիքային սահմանափակում, ինչպիսիք են՝ ծխախոտը կամ ալկոհոլը:

Բաժին 3. Սույն Հրամանը չպետք է մեկնաբանվի այնպիսի եղանակով, որը թույլ կտա որևէ բիզնեսի կամ անհատի գործել այնպիսի եղանակով, որը խախտում է Կալիֆոռնիա նահանգի, Լոս Անջելեսի վարչաշրջանի հանրային առողջության գործակալի և Գլենդել քաղաքի որևէ առողջապահական հրաման կամ արձանագրություն, ներառյալ, սակայն չսահմանափակվելով՝ հավաքույթների, ներսում ճաշելու, սոցիալական հեռավորության և դիմակների պահանջները:

Բաժին 4. Սույն հանրային հրամանի խախտումը կարող է հանգեցնել զբաղեցման ժամանակավոր վկայականի չեղյալ հայտարարմանը: Վարչաշրջանի հրամանի ցանկացած խախտում կդիտարկվի որեպս հասարակական կարգի խախտում և դրանով իսկ՝ Գլենդելի քաղաքային օրենսգրքի խախտում: Սույն հանրային հրամանի ցանկացած խախտման դեպքում կարելի է դիմել քաղաքային դատախազի գրասենյակ՝ հետաքննության համար՝ Գլենդելի Քաղաքային օրենսգրքի 1.20 գլխով սահմանված կարգով, որը նախատեսում է տուգանքներ՝ ոչ ավել, քան \$1,000-ի չափով, կամ ազատազրկում՝ ոչ ավել, քան վեց ամիս ժամանակով: Յուրաքանչյուր իրավապահ աշխատակից պետք է օգտագործի իր հայեցողությունը՝ այս հրամանի կիրառման շրջանակներում խախտումների համար, և մշտապես մտապահի հրամանի նպատակը: Խախտումները կարող են իրավական լուծում ստանալ նաև Գլենդելի քաղաքային օրենսգրքի 1.24-րդ գլխի դրույթներով, որոնք նախատեսում են տուգանքներ՝ այնտեղ ամրագրված այլ իրավապահական մեխանիզմների հետ մեկտեղ՝ առաջին դատակոչի համար՝ \$400 տուգանք, երկրորդ դատակոչի համար՝ \$1,000 և երրորդի համար՝ \$2,000:

Ամսաթիվ՝ 30 հուլիսի, 2020թ.
Ժամը՝ 18:00

Ում կողմից՝ Ռուբիլ Գոլանյան /Արտակարգ իրավիճակների ծառայության պաշտոնակատար

Ընդունված է որպես ձև՝

ՄԻՇԵԼ Ջ. ԳԱՐՄԻԱ /Քաղաքային դատախազ/